


# 象明圖



明

道藏輯要

易說圖解

十

壁集一

象明者因日月之象而合之以成明因日月合明而體之以成  
 易故懸象著明莫大乎日月日月之道貞明者也貞明者易之  
 義也蓋日東月西則為明日上下則為易陰陽變化特一旋  
 轉運用之間耳故易之體用不膠於離南坎北之方位不睽於  
 先天後天之推移隱顯融通一名而含三義其易之謂乎以交  
 代而名則曰易所謂生生不窮是也以常體而名則曰不易所  
 謂定位不移是也以改革而名則曰變易所謂變則必通是也  
 易者其德也不易者其位也變易者其氣也以往來環轉之機  
 律上下一中之理豈非日月相推而明生焉之謂乎